

CASUAL CONTACTS

Ko nā CASUAL CONTACTS ko ni tino nae i te kogāmea nae i ei ai foki (Kogāmea e fiailoa) i te taimi fokotahi ma he tino e pīhia i te COVID-19.

Ko nā Casual Contacts, e hē matuā fakapokepokea ke tauale i te COVID-19. Ko nā fakamatalaga ma nā fautua mō nā Casual Contacts, ei luga o te kupega ate Matāeke tau te Ola Mālōlō, ma e ōno fakailoa i nā lipoti fakahalalau, ma kui i nā fakailo a te NZ COVID Tracer app.

Nofo i te fale ma fai hō hukehukega

Ko nā hukehukega e hē totoġia

HEAI

Vaganā kua kamata i ei ni ō āuga.

Kāfai kua kimata i ei ni ō āuga, e tatau koe ke telefoni ki te Healthline, fai hō hukehukega ma [nofo i te fale](#):

- Heiloga ke maua mai ai tō lipoti ko koe e hē maua i te fāmai mā
- Mō te 24 itūlā kua uma ai ō āuga
- Nofo kehe lava ma iētahi tino i tō kāġiga kāfai e kē mafaia.

Mō nā fakamatalaga ki nā koga e fai ai nā hukehukega, telefoni te Healthline (0800 358 5453) pe ahiahi ki te healthpoint.co.nz/covid-19/

E i ei nā fehoahoaniga tau tupe mō nā tino e manakomia ke nonofo i nā kāġiga ona ko te COVID-19.

Lipoti o tō hukehukega, e heai: Ko koe e hē maua i te COVID-19

Lipoti o tō hukehukega, io: Ko koe e maua i te COVID-19 (E telefoni atu te Ola Mālōlō Lelei o Tagata Lautele).

Mātau nā āuga?

IO

Mō ni aho e 14 mai te aho nae tafapili ai koe ki te tino e maua i te COVID-19.

Ko nā āuga o te COVID-19 e aofia ai he mea fokotahi pe ni mea e lahi i nā vāega ienei: - *Tale fōu pe ko he tale e fakahoholo e kino, fiva, faigatā ke mānava, tigā te fāi, tafe te ihu, tau hē hogitia he manogi/pe kua hē tomi he meakai.*

E i ei ni tino e fakalogogia foki e ki lātou: *Tafe te manava, tigā te ulu, tigagā nā maho, fia huati, hē hāfia, māitaita.*

Kāfai kua i ei ni ō āuga:

- Nofo i te fale
- Telefoni te Healthline (0800 358 5453)
- Fai hō hukehukega.

E i ei ni mea e tatau ke fai e nā tino e nonofo koutou?

HEAI

Vaganā kua kāmata i ei ni ō lātou āuga.

Ko hō he tino e i ei ni ona āuga e manakomia ke telefoni te Healthline, ma fai hona hukehukega ma [nofo i te fale](#) ke pā atu:

- E maua mai ai ō lātou lipoti e hē maua i te fāmai mā
- Mō te 24 itūlā e uma ai ō lātou āuga.

Ko te tino e i ei ona āuga e tatau ke nofo kehe ma iētahi tino e nonofo fakatahi kāfai e ki lātou mafaia.

Nofo i te fale kāfai kua kimata i ei ni ō āuga. Nofo i te fale heiloga e i ei hō lipoti ko koe e hē maua i te fāmai. Nofo i te kāġiga heiloga kua mālohi lelei.

Telefoni te Healthline kāfai e i ei ni ō āuga pe manakomia ni fautuaga: Telefoni 0800 358 5453. Kāfai e faigatā tau manava, telefoni te tavale a te falemai: 111.